



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Khamis, 3 Mac 2022	
1	Daging kerbau India tidak pameran logo halal
2	MAQIS rampas 24 tan daging sejuk beku

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

Daging kerbau India tidak pameran logo halal

KLANG – Cubaan membawa masuk 24 tan daging kerbau sejuk beku dari India yang tidak mempamerkan logo halal gagal selepas dikesan pihak berkuasa dalam kejadian di Pelabuhan Barat di sini baru-baru ini.

Rampasan daging bernilai RM323,000 itu dilakukan kira-kira 3.25 petang pada Sabtu lalu hasil pemeriksaan rutin dijalankan pegawai penguat kuasa Jabatan Perkhidmatan Kuarantin dan Pemeriksaan Malaysia (Maqis).

Menurut Maqis Selangor, berdasarkan siasatan awal mendapati, kesemua daging itu yang berada dalam sebuah kontena tersebut telah berada di pelabuhan berkenaan sejak 25 Januari lalu.

Katanya, daging-daging berkenaan diimport oleh sebuah syarikat pengimport dan pengedaran produk makanan

yang beroperasi di negeri ini.

Difahamkan syarikat tersebut telah beroperasi sejak 26 tahun lalu.

“Hasil pemeriksaan mendapati pengimport itu gagal mempamerkan logo halal di dalam kotak dagangan yang dikehendaki seperti yang dinyatakan di dalam syarat permit import yang diluluskan.

“Kesemua daging kerbau sejuk beku yang dianggarkan sebanyak 1,120 karton dengan nilai RM323,000 untuk pasaran tempatan itu ditahan untuk tindakan lanjut,” katanya dalam kenyataan di sini semalam.

Jelas Maqis Selangor, kes disiasat mengikut Seksyen 15(1), Akta Perkhidmatan Kuarantin dan Pemeriksaan Malaysia 2011 yang memperuntukkan penjara sehingga enam tahun atau denda tidak melebihi RM100,000 atau kedua-duanya sekali.



SEBAHAGIAN daging kerbau yang dirampas di Pelabuhan Barat, Klang baru-baru ini.

MAQIS rampas 24 tan daging sejuk beku

Siasatan dapati produk dibawa masuk syarikat tempatan untuk pasaran domestik

Oleh Ruwaida Md Zain
bhnews@bh.com.my

Pelabuhan Klang: Sejumlah 24 tan daging kerbau sejuk beku dari India dirampas Jabatan Per-

khidmatan Kuarantin dan Pemeriksaan Malaysia (MAQIS) di Pelabuhan Klang Barat di sini, Sabtu lalu.

MAQIS Selangor berkata, pemeriksaan rutin pegawai penguat kuasa MAQIS pada jam 3.25 petang itu mendapati sebuah kontena membawa dagangan daging kerbau sejuk beku tidak mematuhi syarat Permit Import dikeluarkan MAQIS.

"Pengimport yang membawa dagangan itu gagal mempamerkan logo halal di dalam kotak dagangan seperti mana syarat Permit Import diluluskan.

"Berikutan itu, semua daging



Daging kerbau sejuk beku dari India dirampas MAQIS di Pelabuhan Klang Barat, Sabtu lalu. (Foto ihsan MAQIS Selangor)

kerbau sejuk beku dianggar 1,120 kanton dengan nilai RM323,000 ditahan untuk tindakan lanjut.

"Siasatan mendapati, daging kerbau sejuk beku itu berada di pelabuhan sejak 25 Januari lalu itu dibawa masuk oleh sebuah syarikat tempatan untuk pasaran tempatan," katanya dalam satu kenyataan, semalam.

Kenyataan itu menyebut, kegagalan mematuhi syarat ditetapkan pada Permit Import MAQIS menjadi kesalahan mengikut Seksyen 15(1), Akta Perkhidma-

tan Kuarantin dan Pemeriksaan Malaysia 2011 yang boleh dikenakan tindakan mengikut Seksyen 15(2), Akta sama.

Jika disabit kesalahan, boleh didenda tidak melebihi RM100,000 atau dipenjarakan tidak melebihi enam tahun atau kedua-duanya.

"MAQIS mengambil serius isu membabitkan keselamatan makanan, kawalan penyakit dan risiko kemasukan perosak yang boleh mengancam industri pertanian negara," katanya.

Maritim tahan empat pendatang

Georgetown: Empat pendatang asing tanpa izin (PATI) warga Myanmar ditahan di sebuah sangkar ikan berhampiran Pulau Aman, di sini, kelmarin, kerana tidak mempunyai dokumen pengenalan diri.

Mereka ditahan Agensi Penguatkuasaan Maritim Malaysia (Maritim Malaysia) Pulau Pinang ketika melakukan rondaan Op Pertiwi di kedudukan 0.4 batu nautika timur Pulau Gedong pada jam 12.10 tengah hari.

Pengarah Maritim negeri, Kapten Maritim Abd Razak Mohamed, berkata pemeriksaan mendapati empat individu itu adalah pekerja di sangkar ikan berkenaan.

Katanya, semua individu itu juga gagal mengemukakan pengenalan diri ketika diminta.

"Mereka terdiri daripada tiga lelaki dan seorang wanita berusia di antara 25 hingga 28 tahun.

"Semua PATI yang ditahan itu kemudian dibawa ke Jeti Pasukan Polis Marin di Batu Uban bagi tindakan lanjut," katanya menerusi kenyataan di sini, semalam.